

Конда́к 1.

Избра́нный от лѣт дрѣвних бѣти Предте́чею и Кресті́телем Спасі́теля міра Христа́ Бо́га, Иоа́нне богохва́льне, прославля́юще просла́вльшаго тя Го́спода, похва́льная воспісу́ем ти́, я́ко бо́льшему всѣх рождѣ́нных жена́ми, во плóти А́нгелу, пока́янія проповѣ́днику; ты́ же, я́ко имѣ́яй вѣлие дерзнове́ние ко Го́споду, от всѣ́ких бѣ́д свобожда́й и к пока́янію воздви́жай на́с, любóвию тебѣ́ зову́щих:

Ра́дуйся, вели́кий Иоа́нне, Проро́че, Предте́че и Кресті́телю Господень.

Ї́кос 1.

Арха́нгел Гаври́л, предсто́яй пред Бо́гом, по́слан бѣ́сть ко иере́ю Заха́рии, егда́ то́й, служа́ по чи́ну чре́ды свое́я, вни́де пока́дити в це́рковь Господню́; и, предста́в одесну́ю олтаря́ кади́льнаго, благовество́ваше о твоѣ́м рождествѣ́, вели́кий Иоа́нне, возвещáя Заха́рии ра́дость и весе́лие, и я́ко мно́зи о рождествѣ́ твоѣ́м возра́дуются. Сего́ ра́ди и мы́, дивно́му о тебѣ́ Бо́жию благово́ленію чудя́щися и ра́дующися, со благоговѣ́нием в похвалу́ тебѣ́ вопі́ем:

Ра́дуйся, Совета́ Бо́жия неизрече́ннаго тайнни́че; ра́дуйся, дивна́го смотре́ния Его́ исполне́ние.

Ра́дуйся, прѣ́жде лѣт мно́гих проро́чеством Иса́ии проявлен́ный; ра́дуйся, вѣстни́че пред лицѣ́м Господним, дрѣ́вле прорече́нный.

Ра́дуйся, предназна́ченный бѣ́ти вели́ким проро́ком Вы́шняго; ра́дуйся, по обетова́нію А́нгела рождѣ́нный.

Ра́дуйся, ещѣ́ во чре́ве ма́тере твое́я Ду́ха Свята́го испол́ненный; ра́дуйся, прѣ́жде рождества́ твоего́ на вели́кое служе́ние освяще́нный.

Ра́дуйся, непло́дства роди́телей разреше́ние; ра́дуйся, иере́я Бо́жия ра́дость и весе́лие.

Ра́дуйся, дще́ре Ааро́новы прозябе́ние; ра́дуйся, пло́д моли́твы Богода́рованный.

Ра́дуйся, вели́кий Иоа́нне, Проро́че, Предте́че и Крести́телю Госпо́день.

Конда́к 2.

Ви́дя Заха́рия являша́гося ему́ А́нгела, смути́ся, и стра́х нападе́ на́нь, и не ве́рова словесе́м благове́стия егó о рождестве́ твоём; егда́ же за неве́рие немото́ю связа́н бы́сть, удивля́шеся пресла́вному чудеси́, все́м се́рдцем вопи́я Бо́гу: Аллилу́иа.

И́кос 2.

Ра́зум неуразумева́емый разумети́ и́щуще лю́дие, ждуще́ Заха́рию, и чудя́хуся, умедлившу́ ему́ в це́ркви; изше́дшу же ему́ и не могу́щу глаго́лати к ни́м, но то́кмо помава́юще, разуме́ша вси́, я́ко видение́ ви́де в це́ркви. Мы́ же, прославля́юще дивна́го Творца́ чудес, Бо́га, вопие́м тебе́ такова́я:

Ра́дуйся, благо́й вино́вниче безгла́сия о́тча; ра́дуйся, слез ма́тере твоея́ премене́ние на ра́дость.

Ра́дуйся, тоя́ поноше́ния в лю́дех отъя́тие; ра́дуйся, вели́кое ро́ждшим тя́ утеше́ние.

Ра́дуйся, я́ко в шесты́й ме́сяц о зача́тии твоём Пресвята́я Де́ва Мари́я в Назаре́те от А́нгела извести́ся; ра́дуйся, я́ко о рождестве́ твоём мно́зи возвесели́шася.

Ра́дуйся, я́ко и́мя благода́тное, от А́нгела нарече́нное, получи́вый; ра́дуйся, я́ко и́менем твои́м немотствовáние о́ца́ твоегó Заха́рии разреши́ся.

Ра́дуйся, я́ко и́мя Бо́жие о тебе́ о́тцем твои́м благослови́ся; ра́дуйся, я́ко о чу́дном рождестве́ твоём стра́х и удивле́ние в о́крест живу́щих яви́ся.

Ра́дуйся, я́ко по все́й стране́ Иуде́йстей о дивне́м рождестве́ твоём возвесті́ся; ра́дуйся, я́ко тобою́ спасе́ние мно́гим в ми́ре се́м яви́ся.

Ра́дуйся, вели́кий Иоа́нне, Проро́че, Предте́че и Крестите́лю Госпо́день.

Конда́к 3.

Си́ла Вы́шняго разреши́ непло́дство заматоре́вша во днѣх сво́их пра́ведныя Елиса́веты: зача́т бо тя́, сла́вный Предте́че Госпо́день, и тая́шся ме́сяц пять, глаго́лющи: я́ко та́ко мне́ сотвори́ Госпо́дь во днѣх, в ня́же призре́ отъя́ти поноше́ние моё́ в челове́цех. Егда́ же прия́ Имущу́ю во чре́ве Христа́, испо́лнися Ду́ха Свя́та и возопи́ гласом ве́лиим: «Отку́ду мне́ си́е, я́ко при́де Ма́ти Го́спода моего́ ко мне́!» С Не́юже ра́дующися, взыва́ше Бо́гу: Аллилу́иа.

И́кос 3.

Име́яй преды́ти пред Го́сподем ду́хом и си́лою Илиино́ю, ещѣ́ из чре́ва ма́тере твоея́ испо́лнися еси́ Ду́ха Свята́го, отону́дуже и Проро́к дивный показа́лся еси́, егда́ во утробѣ́ ма́тере твоея́ сый, възигра́лся еси́ ра́дощами прише́ствию Ма́тери Госпо́дней. Бо́га бо позна́л еси́ носі́ма в ложесна́х Благода́тныя и Того́ ма́терним гласом пропове́дал еси́: подоба́ше бо Божѣ́ственнымъ веще́й пресла́вным бы́ти нача́лом. Сему́́бо благоговѣ́йно удивля́ющесея, с ра́достью тебе́ вопи́ем:

Ра́дуйся, ещѣ́ во утробѣ́ ма́терней предпосла́вшаго тя́ Го́спода чу́дным весе́лием предъя́вивый; ра́дуйся, я́ко тебе́ ра́ди и ма́тери твое́й Елиса́вете воплоще́ние Христо́во откры́ся.

Ра́дуйся, я́ко и та́ испо́лнися Ду́ха Свя́та; ра́дуйся, я́ко и она́ предивная проро́чица яви́ся.

Ра́дуйся, ꙗко от неѣ Пресвятѣя Дѣва Марїя Блаженною в женах наречѣся; ра́дуйся, ꙗко тою Она́ и Материю Го́спода наименова́ся.

Ра́дуйся, ꙗко и безсе́менный пло́д Тоѣ Благословѣнным пронаречѣся; ра́дуйся, Премудросте Божественныя предъявлѣние.

Ра́дуйся, святаго супру́жества благословѣние; ра́дуйся, непло́дных ложесн дѣвное прозябѣние.

Ра́дуйся, рождѣнием твоим удививый лю́ди; ра́дуйся, свѣтлый Сло́ва гла́се.

Ра́дуйся, вели́кий Ио́анне, Проро́че, Предте́че и Крестите́лю Господень.

Конда́к 4.

Бу́рею сомнѣния смущѣнный, иерей Заха́рия не можа́ше, по словеси́ а́нгельскому, проглаго́лати. Егда́ же по рождествѣ твоѣм, Предте́че Господень, написа́ благодатное ѡ́мя твоѣ, а́бие отверзо́шася уста́ и язы́к его́, и глаго́лаше, благословѣ́я Бо́га, и проро́чествава, глаго́ля: благословѣ́н Го́сподь Бо́г Изра́илев, ꙗко посетѣ́ и сотвори́ избавлѣние лю́дем Свои́м, и ты́, отроча́, Проро́к Вы́шняго наречѣши́ся, по́я Тому́: Аллилу́иа.

И́кос 4.

Слы́шаша о́крест живу́щии лю́дие о пресла́внем и чу́днем рождествѣ твоѣм, со удивлѣ́нием глаго́лаху в себѣ: «Что́ у́бо отроча́ си́е бу́дет?» Мы́ же ты́, пресла́вный Предте́че Господень, ꙗко бо́льша́ всѣх рождѣ́нных жена́ми, досто́йно чту́ще, ублажа́ем си́це:

Ра́дуйся, от зачѣ́тия твоего́ благодатных явлѣ́ний исполненный; ра́дуйся, в рождествѣ твоѣм Бо́гом просла́вленный.

Ра́дуйся, во младе́нчестве твоём от отца́ твоего́ Проро́ком Вы́шняго нарече́нный; ра́дуйся, во о́трочестве твоём Ду́хом Святы́м просвеще́нный и укрепле́нный.

Ра́дуйся, Бо́га воплоти́вшагося срóдник по плóти бы́вый; ра́дуйся, от Бо́га вы́сокое зва́ние Предте́чи и Крестите́ля прие́мый.

Ра́дуйся, заре́, Све́т но́вый ми́ру возвестившая; ра́дуйся, звездó, пу́ть, веду́щий ко Христу́, осветившая.

Ра́дуйся, деннице́ Со́лнца незаходи́мага; ра́дуйся, свети́льнице́ Све́та неугаса́емаго.

Ра́дуйся, пу́ть грядúщему Христу́ уготовля́й; ра́дуйся, А́нгела и челове́ка в себé явля́й.

Ра́дуйся, вели́кий Иоáнне, Проро́че, Предте́че и Крестите́лю Господень.

Конда́к 5.

Богопроти́вное велéние беззакóннаго детоуби́йцы Ёрода изгна́ тя из до́му о́тца в непроходную́ пусты́ню, носи́ма ма́терию, Предте́че Господень, иде́же и пребыва́л еси́ до дне́ явлéния твоего́ ко Изра́илю, яды́й акри́ды и ме́д дивий и Бо́гу вопия́: Аллилу́иа.

И́кос 5.

Ви́дяще дивное́ Бо́жие о тебе́ промы́сление, Иоáнне богохва́льне, я́ко от младе́нческих пелён по́стническаго жити́я любите́ль показа́лся еси́, отону́дуже во́лею Вы́шняго по́слан бы́л еси́ пропове́дати лю́дем грядúщее во Христе́ спасéние, сего́ ра́ди со удивле́нием и любóвию тебе́ взыва́ем:

Ра́дуйся, я́ко, ещё́ младе́нец сый, царя́ Ёрода устраши́л еси́; ра́дуйся, от напрáснаго уби́ения те́м десни́цею Вы́шняго сохране́нный.

Ра́дуйся, пусты́ни шипо́к благово́нный; ра́дуйся, вы́сотой подвиго́в твои́х все́х удиви́вый.

Ра́дуйся, пра́ваго пу́ти ве́рный указа́телю; ра́дуйся, чистоты́ и целому́дрия предивный храните́лю.

Ра́дуйся, ева́нгельскаго самоотверже́ния о́бразе совершенный; ра́дуйся, мона́шествующих покрóве и утвержде́ние.

Ра́дуйся, богосло́вствующих умо́в просвеще́ние; ра́дуйся, грешным милосе́рдия Бо́жия двéри отверза́яй.

Ра́дуйся, ка́ющимся грешником от Го́спода прощэ́ние подава́яй; ра́дуйся, пло́ды досто́йны покая́ния творити помога́яй.

Ра́дуйся, вели́кий Иоа́нне, Проро́че, Предте́че и Крестите́лю Госпо́день.

Конда́к 6.

Пропове́дник сла́вный ты́, божество́нный Предте́че, показáлся еси́ в пусты́ни Иорда́нстей во дни́ явле́ния Христа́ Бо́га ми́ру. Сего́ бо, Грядúщаго к тебе́, показáл еси́ лю́дем, глаго́ля: «Се́, А́гнец Бо́жий, взéмляй грехи́ ми́ра!»; Его́же мы́ ве́рою позна́вше, поём Ему́: Аллилу́иа.

И́кос 6.

Воссия́л еси́ свéт истины́, Иоа́нне богопросвеще́нне, все́м явля́яй Сла́вы О́тчия сия́ние, явльшееся плóтски на́с ра́ди. Вопия́л бо еси́ в пусты́ни лю́дем: «Пока́йтесь, прибли́жи бо ся Ца́рствие Небе́сное: сотвори́те пло́ды досто́йны покая́ния. Се́ бо грядéт по мне́, И́же крестит вы́ водо́ю и Ду́хом». Сего́ ра́ди похва́льная тебе́ вопи́ем:

Ра́дуйся, пришéствия Мессии́ возвестите́лю; ра́дуйся, путе́й Госпо́дних угото́вателю.

Ра́дуйся, ве́тхия и но́выя благода́ти ходата́ю; ра́дуйся, проро́ков преде́ле и нача́ло Апóстолов.

Ра́дуйся, гла́се Сло́ва благознаменітый; ра́дуйся, пока́я-
ния проповѣдниче велегла́сный.

Ра́дуйся, мно́гих сынóв Израілевых ко Го́споду
обраті́вый; ра́дуйся, лю́ди соверше́нны Го́сподеви угото́ва-
вый.

Ра́дуйся, фарисеев и саддукеев дерзнове́нно обличі́вый;
ра́дуйся, плоды́ досто́йны пока́яния творі́ти научі́вый.

Ра́дуйся, просвеще́ния духо́внаго указате́лю; ра́дуйся,
и́щущым предста́тельства твоего́ неусы́пный засту́пниче.

Ра́дуйся, вели́кий Иоа́нне, Проро́че, Предте́че и
Кресті́телю Господе́нь.

Конда́к 7.

Хотя́щу от тебе́ кресті́тися Го́споду Иису́су, Иоа́нне
богоблаже́нне, глаго́лал еси́: «А́з тре́бую Тобо́ю
кресті́тися», о́баче повину́яся, ре́кшу Тому́: «Оста́ви ны́не»,
воздв́игл еси́ десни́цу твою́ на главу́ Его́ и, кресті́в не
тре́бующаго очище́ния, вопія́л еси́: Аллилу́иа.

И́кос 7.

Но́вую пода́я благода́ть кресті́тися изво́ливый от тебе́
Господе́ь, сподо́би тя́ Ду́ха пришѣствие вѣдети и гла́с
О́тческий с Небесе́, свидѣ́тельствующий Его́ Сыновство́,
слы́шати. Отону́дуже в Три́ех Ли́цах Еди́ному Бо́гу
покланя́тися нас научі́л еси́. Его́же брѣ́нными прославля́ю-
ще устна́ми, в похвалу́ сия́ тебе́ прино́сим:

Ра́дуйся, Трѣ́ческаго Богоя́влѣния пе́рвый проповѣдни-
че; ра́дуйся, в Три́ех Ли́цах Еди́наго Бо́га и́стинный
поклѣ́нниче.

Ра́дуйся, Ду́ха Свята́го в ви́де голубі́не яснозрі́телю;
ра́дуйся, снисхожде́ния Его́ от Отца́ на Сы́на свидѣ́телю.

Ра́дуйся, гла́са с Небесе́ от Бо́га Отца́ слы́шателю; ра́-
дуйся, я́влѣния любве́ О́тчи к Сы́ну созерца́телю.

Ра́дуйся, Сы́на Бо́жия избра́нный Крестите́лю; ра́дуйся, во́ли Его́ святы́я исполните́лю.

Ра́дуйся, сла́внаго служе́ния спасе́нию ро́да челове́ческаго ре́вностный рачи́телю; ра́дуйся, вели́каго Та́инства Креще́ния пе́рвый соверши́телю.

Ра́дуйся, Божество́нная ра́дости вестни́че; ра́дуйся, Но́ваго За́вета пе́рвый учи́телю.

Ра́дуйся, вели́кий Иоа́нне, Проро́че, Предте́че и Крестите́лю Господе́нь.

Конда́к 8.

Стра́нное и неизрече́нное смире́ние воплоти́вшагося Бо́га Сло́ва ви́дев, богоблаже́нне Крестите́лю, Божество́нную Свою́ главу́ приклони́вша и ра́бское креще́ние прие́мша, ты́ и са́м ве́сь испо́лнился еси́ вели́каго смире́ния. Испроси́ у́бо боголюбе́зную добродете́ль сию́ и на́м, одержи́мым го́рдостию, я́ко да от сердца́ смире́нна вопие́м Ему́: Аллилу́иа.

И́кос 8.

Ве́сь благода́тных дарова́ний испо́лненный, тече́ние вре́менная жи́зни сконча́вая, Иоа́нне богознамените́, все́х поуча́л еси́ исполне́нием Зако́на и пока́нием благоугожда́ти Го́сподеви. Сего́ ра́ди благодарственное хвале́ние тебе́, вели́кому учи́телю и́стины, воспева́ем:

Ра́дуйся, Зако́на и оправда́ний Господних насади́телю; ра́дуйся, Иродова беззакония обли́чителю.

Ра́дуйся, о исправле́нии того́ рачи́телю; ра́дуйся, пра́вды ра́ди темни́чное заклю́чение и у́зы претерпе́вый.

Ра́дуйся, за и́стину во главу́ усече́нный; ра́дуйся, я́ко те́ло твоё́ от ученико́в твои́х че́стне погребё́ся.

Ра́дуйся, я́ко Бо́жиим смотре́нием глава́ тво́я нетле́нна
соблюде́ся; ра́дуйся, я́ко та́ на утеше́ние, освяще́ние и
цельбы́ христиа́ном даде́ся.

Ра́дуйся, я́ко и десни́це тво́ей, крестивше́й Го́спода,
ве́рнии благоче́стне покланя́ются; ра́дуйся, я́ко от тебе́
мно́гая чуде́са те́ми доны́не соверша́ются.

Ра́дуйся, я́ко тобою́ ве́рнии от страсте́й безче́стия избав-
ля́ются; ра́дуйся, я́ко тобою́ грешни́и к пока́нию
воздвиза́ются.

Ра́дуйся, вели́кий Иоа́нне, Проро́че, Предте́че и
Крестите́лю Госпо́день.

Конда́к 9.

Все́ естество́ а́нгельское удиви́ся высоте́ служе́ния тво-
его́, и Це́рковь благоговейно́ прославля́ет тя́, я́ко дру́га Хри-
ста́ Бо́га, предше́дшаго пред Ни́м ду́хом и си́лою Илиино́ю.
Ревну́я бо по и́стине, дерзнове́нно облича́л еси́ фарисеев и
беззако́ннаго Ёрода, от него́ же и му́ченическую кончи́ну
прия́л еси́. Покланя́ющесе́ у́бо честне́й главе́ тво́ей, мо́лимся
ти́: изба́ви нас от страсте́й безче́стия, да чи́стым се́рдцем и
усты́ поём: Аллилу́иа.

И́кос 9.

Витийство́ всякое́ земноро́дных не довлéет досто́йно
восхвали́ти тя́, Иоа́нне богохва́льне: тебе́ бо уста́ Христо́вы
похвали́ша, вы́сша проро́ков и бо́льша все́х рождённых
жена́ми тя́ наименова́ша. Отону́дуже досто́йную похвалу́
принести́ тебе́ недоумева́юще, вопие́м ти́ сицевая́:

Ра́дуйся, Це́ркве Христо́вы вели́кая сла́во; ра́дуйся, А́н-
гелов предивное́ чу́до.

Ра́дуйся, праотцев ра́дость и прославлéние; ра́дуйся,
проро́ков вы́сокая похвало́.

Ра́дуйся, Апóстолов богосвѣтлый вѣнче; ра́дуйся, святи-
телей велелѣпая красотó.

Ра́дуйся, мучеников в нóвой благодáти начáло; ра́дуйся,
преподóбных совершѣние.

Ра́дуйся, прáведных удобрѣние; ра́дуйся, дѣвственников
и пóстников основáние.

Ра́дуйся, всѣх христиáн вели́кое утешѣние; ра́дуйся, я́ко
от всѣх христиáнских родóв и́мя твоѣ прославля́ется.

Ра́дуйся, вели́кий Иоáнне, Прорóче, Предтѣче и
Крестителю Госпóдень.

Конда́к 10.

Спасти́ ми́р пришѣдшаго во плóти Христа́ Бóга
благовестил еси́ и сущим во áде: я́коже бо денница,
предходя́щая со́лнцу, осветил еси́ во тьме́ и сѣни смѣртней
седящих. Отонúдуже вскóре Гóсподем изведенъ был еси́ со
всѣми от вѣка прáведными, поя́ Емú, я́ко Избáвителю и По-
бедителю смѣрти: Аллилу́иа.

И́кос 10.

Стенá и прибѣжище спасительное всѣм, моли́твенно к
тебѣ притека́ющим, божѣственный Иоáнне: сегó ра́ди пѣснь-
ми похва́льными ублажа́ем тя́ си́це:

Ра́дуйся, мо́щный заступниче на́ш и вѣрный от бѣд хра-
нителю; ра́дуйся, злостра́ждущих от духóв злóбы скóрый
помóщниче и избáвителю.

Ра́дуйся, непло́дствующим благословѣние от Бóга низ-
посыла́яй; ра́дуйся, притека́ющих к тебѣ с вѣрою от
треволнѣния страстѣй избавля́яй.

Ра́дуйся, во враждѣ сущих скóро умиротворя́яй; ра́дуй-
ся, во всякой нуждѣ и печáли усѣрдно притека́ющим к тебѣ
скóрую помóщь подава́яй.

Ра́дуйся, благотеку́щих от самообольще́ния и преле́сти изыма́яй; ра́дуйся, вруча́ющим себѣ тво́ему хо́датайству в ча́с сме́ртный помога́яй.

Ра́дуйся, любя́щих тя́ от возду́шных мыта́рств предста́тельством тво́им свобожда́яй; ра́дуйся, почита́ющих сла́вную па́мь твою́ вѣчны́я жи́зни моли́твами тво́ими сподобля́яй.

Ра́дуйся, ни́щих и вдови́ц и сирот заступле́ние; ра́дуйся, по Бо́зе и Богоро́дице христиа́ном прибе́жище и упова́ние.

Ра́дуйся, вели́кий Иоа́нне, Проро́че, Предте́че и Крестите́лю Господе́нь.

Конда́к 11.

Пе́ние вся́кое не довлѣет по досто́янию до́блестей тво́их восхвали́ти тя́, Крестите́лю Господе́нь; но мы́, любóвию понуждени́, дерза́ем воспева́ти вели́чия тво́я, е́же ми́лостивно приими́ от на́с, первостоя́телю у Престо́ла Пресвяты́я Тро́ицы, и моли́ свободитися на́м от вся́кия скве́рны грехо́вныя, да чи́стым се́рдцем и устна́ми поём Бо́гу: Аллилу́иа.

И́кос 11.

Свети́льника Све́та непристу́пнаго и все́светлых благода́тных дарова́ний все́го испо́лнена тя́, Иоа́нне богопросвеще́нне, ве́дуще, ра́достно прино́сим ти́ такова́я:

Ра́дуйся, самови́дче озари́вшаго тя́ свѣше́ Божество́ннаго Све́та; ра́дуйся, све́том добродете́лей тво́их просла́вивый Бо́га.

Ра́дуйся, Пресвяты́я Тро́ицы велеле́пую сла́ву яви́вый; ра́дуйся, пра́вый и ди́вный пу́ть к Небеси́ показавый.

Ра́дуйся, и су́щим во а́де Бо́га, явльша́гося во плóти, благовестите́лю; ра́дуйся, ду́ш пра́ведных, от ве́ка в преиспо́дней держи́мых, возвесели́телю.

Ра́дуйся, Влады́ки Христа́ Бо́га дру́же и́скренний; ра́дуйся, яви́вый ми́ру Свѣт и́стинный.

Ра́дуйся, светоза́рное свѣта ева́нгельскаго сия́ние; ра́дуйся, ро́да христиа́нскаго прославлѣние.

Ра́дуйся, Совета́ Бо́жия исполне́ние; ра́дуйся, я́ко от востокъ со́лнца да́же до запа́д хва́льно и́мя твоѐ.

Ра́дуйся, вели́кий Иоа́нне, Проро́че, Предте́че и Крестите́лю Господень.

Конда́к 12.

Благода́ти тезоименитый, Крестите́лю Господень, и то́ю обогати́вся, победоно́сец пресла́вный показáлся еси́: победи́л бо еси́ враги́ и всякую зло́бу, и вели́кое служе́ние твоѐ му́ченическим по́двигом запечатлѣл еси́. Ны́не же, предсто́я Престо́лу Царя́ ца́рствующих, моли́ Его́ дарова́ти ве́рным победы́ на враги́ и во все́м благопоспешѣние, в добродѣ́телех же благода́тное укрепле́ние, пою́щим Ему́: Аллилу́иа.

И́кос 12.

Пою́ще Бо́га, дивно́ в тебѣ́ просла́вльшагося, хва́лим тя́, богоблаже́нне Крестите́лю, я́ко и́скренняго дру́га Христа́, прославля́ем вели́кия по́двиги тво́я, ублажа́ем му́ченическую кончи́ну твою́ и сицева́я ра́достно вопие́м ти́:

Ра́дуйся, вселѣ́нский Апосто́ле и Но́ваго Завета́ перво́му́чениче; ра́дуйся, явлѣ́нием Христа́ на земли́ открывша́гося Ца́рствия Небе́снаго пе́рвый проповѣ́днице.

Ра́дуйся, язы́ков Божѣ́ственное призва́ние предвозвесты́вый; ра́дуйся, безвѣ́стная и та́йная премудро́сти Бо́жия ми́ру яви́вый.

Ра́дуйся, божѣ́ственными дея́нии плодоно́сен па́че и́ных яви́выйся; ра́дуйся, я́ко свѣ́том дѣл твои́х просла́вился Оте́ц Небе́сный.

Ра́дуйся, я́ко в па́мяти тво́ей Цѣрковь Христо́ву весели́ши неизрече́нно; ра́дуйся, я́ко ны́не вѣчнаго наслажда́ешься весе́лия изоби́льно.

Ра́дуйся, божѣственнымнми луча́ми Трисо́лнечнаго Свѣта осиява́емый; ра́дуйся, я́ко со безплотными Трисвяту́ю пѣснь Бо́гу немол́чно вопи́еши.

Ра́дуйся, я́ко ны́не, зерка́лом разрѣшшимся, несре́дственне зри́ши Святу́ю Тро́ицу.

Ра́дуйся, вели́кий Ио́анне, Проро́че, Предте́че и Крестите́лю Господень.

Конда́к 13.

О вели́кий и пресла́вный Предте́че и Крестите́лю Господень Ио́анне, приими́ от нас ны́не приноси́мое тебѣ моле́ние и тво́ими богоприятными к Бо́гу моли́твами изба́ви нас от всякаго зла́, и вѣчныя изми́ му́ки, и наслѣдниками Ца́рствия Небе́снаго соде́лай, да во вѣки поём Бо́гу: Аллилу́иа.

Этот конда́к чита́ется трижды, затем 1-й и́кос «Арха́нгел Гаври́ил...» и 1-й конда́к «Изра́нный от лѣт...».

Моли́тва.

Крестите́лю Христо́в, проповѣдниче пока́яния, ка́ющагося не презри́ мене́, но, совокупля́ясь с во́и Небе́сными, моли́ся ко Влады́це за мене́, недостойнаго, уны́лаго, немощна́го и печальнаго, во мно́гия бе́ды впа́дшаго, утружде́ннаго бу́рными по́мыслы ума́ моего́. А́з бо е́смь верте́п злыхъ де́л, отню́д не имѣя́й конца́ грехо́вному обы́чаю: пригво́жден бо е́сть умъ мо́й земнымъ веще́м. Чт́о сотворю́, не ве́м, и к кому́ прибѣгну́, да спасе́на бу́дет душа́ моя́, то́кмо к тебѣ́, святы́й Ио́анне, благода́ти тезоимените́, я́ко ты́ пред Го́сподем, по Богоро́дице, ве́м бо́льша бы́ти ро́жденныхъ все́х: ты́ бо сподо́бился еси́ косну́ться верху́ Ца́ря Христо́ва, вземлю́щаго грехи́ ми́ра, А́гнца Бо́жия. Еѓоже

моли́ за грѣшную мою́ дѹшу, да понѣ отнѣне, в
первыйнадесять час, понесѹ тяготѹ благѹю и примѹ мздѹ с
последними. Ёй, Крестителю Христов, честный Предтече,
крайний проро́че, пер́вый во благодати мучениче, по́стни-
ков и пусты́нников наставля́ице, чистоты́ учителю и
бли́жний друже Христов, ты молю́, к тебе́ прибегаю́, не от-
ри́ни мене́ от твоего́ заступле́ния, но возста́ви мя́, па́дшагося
мно́гими грехи́: обновѹ дѹшу мою́ покая́нием, я́ко вторы́м
креще́нием, понѣже обоего́ начальник еси́: креще́нием
омыва́яй грѣх, покая́ние же проповѣдуя́й во очище́ние
кого́ждо дѣл скверных: очисти́ убо́ мя́, грехми́
оскверне́ннаго и понѹди внѣти, а́може ничто́же скверно
вхо́дит в Ца́рствие Небе́сное. Ами́нь.